

《佛說無量壽經》

補充講表

◎附表十五：

○第四十二願：清淨解脫三昧

即念佛三昧

○第四十五願、普等三昧

*印光大師於《念佛三昧摸象記》中，以體、相、用來說明念佛三昧的意境：

□其相如雲散長空，青天徹露。親見本來，本無所見。無見是真見，有見即隨塵。到此則山色溪聲，咸是第一義諦。鴉鳴鵲噪，無非最上真乘。活潑潑應諸法，而不住一法。光皎皎照諸境，而了無一物。

□語其用，如旭日之東升，圓明朗照。

□語其體，猶皓月之西落，清淨寂滅。即照即寂，即寂即照。雙存雙泯，絕待圓融。譬若雪覆千山，

海吞萬派。唯是一色，了無異味。無罣無礙，自在自如。

○離欲深正念

※離欲

*《佛說四十二章經》云：「世尊成道已，作是思惟：離欲寂靜，是最為勝。」

*《圓覺經》彌勒菩薩章云：「當知輪迴，愛為根本；由有諸欲，助發愛性，是故能令生死相續。」

*《楞嚴經》卷六云：「如來涅槃，何路修證，必使婬機身心俱斷，斷性亦無，於佛菩提，斯可希冀。」

※深正念

*《圓覺經》普眼菩薩章云：「彼新學菩薩及末世眾生，欲求如來淨圓覺心，應當正念，遠離諸幻。」

先依如來奢摩他行，堅持禁戒，安處徒眾，宴坐靜室。」

*《大乘起信論》云：「心若馳散，即當攝來，住於正念。是正念者，當知唯心，無外境界。即復此心，亦無自相。念念不可得。」

○淨慧修梵行

* 滿益大師於《楞嚴經文句》玄義卷上云：「梵行者，梵：是淨義，無二邊愛見證得，故名為淨。即是無緣大慈大悲大喜大捨。遍拔法界眾生苦，遍與法界眾生樂，非餘梵天所修四無量心，亦非藏通二教所修生緣、法緣等慈悲也。經云：一者上合十方諸佛本妙覺心，與佛如來同一慈力；二者下合十方一切六道眾生，與諸眾生同一悲仰。即是其相。」

○不生欲覺、瞋覺、害覺，不起欲想、瞋想、害想，不著色、聲、香、味、觸、法。

※覺者，新譯作「尋思」，猶言念。

※想者，《成唯識論》云：「想謂於境取相為性，施設種種名言為業。」

* 滿益大師於《靈峰宗論》云：「強觀諸法（所觀境）無實，惟心所現，則心外無法。」

* 慧思大師於《大乘止觀法門》云：「強觀諸法，唯是心相，虛狀無實」。

*《圓覺經》普賢菩薩章云：「善男子，一切菩薩及末世眾生，應當遠離一切幻化虛妄境界，由堅執持遠離心故。心如幻者，亦復遠離。」

○少欲知足

*佛遺教經云：「汝等比丘，當知多欲之人，多求利故，苦惱亦多；少欲之人，無求無欲，則無此患。直爾少欲，尚宜修習，何況少欲能生諸功德！少欲之人，則無諂曲以求人意，亦復不為諸根所牽。行少欲者，心則坦然，無所憂畏，觸事有餘，常無不足。有少欲者，則有涅槃。」

*佛遺教經云：「汝等比丘，若欲脫諸苦惱，當觀知足。知足之法，即是富樂安隱之處。」